

Հայկական Կինո 1924-1999. Լիակատար Կատալոգ, կազմողներ՝ Ս. Գուլեան, Ա. Երզնկեան, Ա. Թադևոսեան եւ այլք, խմբագիրներ՝ Ս. Յարութիւնեան, Մ. Ստամբուլցեան եւ Ռ. Զաքարեան, Երեւան, «Արտագերս», 2000, 251 էջ: (Նոյն կատալոգը լոյս է տեսել նաեւ ռուսերէն եւ անգլերէն:)

Հայաստանի Կինօգլուխների եւ Կինօլուսանկարների Ընկերակցութիւնը հրատարակել է *Հայկական Կինո 1924-1999* հայ շարժանկարի լիակատար ֆիլմագրութիւնը՝ երեք առանձին հատորներով՝ հայերէն, ռուսերէն եւ անգլերէն: Յայժմ կատարուած մեծածախ աշխատանքներից սա առաջին լիակատարն է: (Համակարգման առաջին փորձը կատարել էր հայ կինոյի հիմնադիրներից Դանիէլ Դգունին:)

Աշխատանքային խումբն օգտուել է մի շարք աղբիւրներից, որոնք մշտապէս են գրքի առաջարկում: Տուեալները գրեթէ բոլոր հնարաւոր դէպքերում, – քանզի որոշ ֆիլմեր չեն պահպանուել, – ստուգուել են շարժանկարների բնագրերով: Հայաստանի Կինօգլուխների եւ Կինօլուսանկարների Ընկերակցութեան անդամների յամառ, յարատեւ ջանքերի շնորհիւ հաւաքչական բնոյթի աշխատանքներ են կատարուել Մոսկուայի Պետական Կինօարխիւում (որտեղ պահուած են մինչեւ 1989 թուականը նկարահանուած հայկական ֆիլմերը), Հայաստանի Ազգային Ֆիլմաղարանում, «Հայֆիլմ», «Հայկ» եւ «Երեւան» ստուդիաների, Հայաստանի Գրականութեան եւ Արուեստի Պետական Թանգարանի, Հայաստանի Կինեմատոգրաֆիստների Միութեան, ինչպէս նաեւ կինօգործիչների անձնական արխիւներում: Շատ փաստեր հրապարակուած են առաջին անգամ:

Հայկական կինոյի գոյութեան 75 տարուայ ժառանգութիւնը գիտական մօտեցումով ի մի բերելու, միջազգային չափանիշերին համապատասխան ներկայացնելու փորձ է սա: Կատալոգը մանրակրկիտ փաստագիտական ուսումնասիրութիւն է, ուր համակարգուած եւ ներկայացուած են գրեթէ սպառնիչ տեղեկութիւններ հայկական կինօարտադրութեան մասին: Ցանկացած բնագաւառում գիտութիւնն սկսում է այդօրինակ համակարգումից, այնպէս որ չափազանց գնահատելի է մեծ տեղեկատու ձեռնարկի պատրաստումն ու հրապարակումը:

Տարեգրութիւնը կազմուած է օրինակելի, գիտականօրէն մշակուած սկզբունքով եւ հետեւողականութեամբ: Շարժանկարները ներկայացուած են ըստ տարեթուերի, ժանրերի եւ տեխնիկական բոլոր յատկանիշերի՝ ընդգրկելով տուեալ շարժանկարին իրենց մեծ եւ փոքր մասնակցութիւնը բերած անձնատրութիւնների մեծ մասի անունները (իսկ գեղարուեստական շարժապատկերների դէպքում՝ նաեւ մարմնաւորած դերերի անունները): Կինոյի տարեգրութեան պատկերն առաւել ընդհանրական է դառնում գրքի վերջում գետեղուած անուանացանկի եւ այբբենական ցանկի շնորհիւ, որից օգտուելը հեշտացնում է փնտռողի գործը: Իսկ Սուրէն Յասմիկեանի հակիրճ ու յստակ լիզումով գրուած նախաբանը յաջողապէս տալիս է հայ կինոյի անցած ոչ-երկարատեւ ճանապարհի ամբողջական պատկերը: Հարկ է

կարելի է, որ աշխատանքային խմբում ընդգրկուած մասնագէտներից ոմանք (Սուրեն Յասմիկեան, Միքայէլ Ստամբուլցեան, Դաիթ Մուրադեան) ներկայ ու մասնակից են եղել հայ ազգային կինոյի վերջին տասնամեակների պատմութեան ընթացքին, այն գիտեն ներսից: Արդ, երբ նոր ժամանակագրութիւն է սկսուել Հայաստանի պատմութեան մէջ, նոր ընթացք է ստացել նաեւ մշակոյթը: Նորակերտ իրականութեան մէջ ձեւաւորուող սերնդի համար, նախորդ շրջանի աւարտուն տարեգրութեան գոյութիւնը հնարաւոր է դարձնում եւ անգամ հեշտացնում ազգային կինեմատոգրաֆիայի պատմութեան յետագայ գիտական ուսումնասիրութիւնը:

Կատալոգը տալիս է հայկական կինոյի համայնապատկերը եւ միեւնոյն ժամանակ՝ սեղմ տեղեկութիւններ իւրաքանչիւր ֆիլմի մասին: Այդ կերպ ձեռք է բերուած ընդհանուրի եւ մասնաւորի զուգակցում, ինչը սոյն փաստագրական ուսումնասիրութեան անվիճելի առաւելութիւններից է, թելաւտ իբրեւ հայ ազգային կինոյի պատմութեան ողջ ընթացքի նկարագրութիւն, այն չի կարող սպառիչ համարուել: Ֆիլմերի ծանուցումները միշտ չէ որ յաջողուած են, սկզբունքի եւ ոճի առումով միասնական չեն: Տեղ են գտել նաեւ որոշ սխալներ. օրինակ, հայերէն եւ ռուսերէն տարբերակներում ճիշդ չի տրուած «Երաժշտութիւն» բազմանկարի բովանդակութիւնը: Բոլոր դէպքերում, նշուած թերութիւնները չեն նսեմացնում կատարուած աշխատանքի անուրանալի արժէքը:

Անշուշտ, կինոյի տեղեկատուին վայել կը լինէր նկարագարող էջադրումը, սակայն միջոցների սուղ լինելու պատճառով անհնար է եղել դրա իրագործումը: Այդ բացը լրացուել է կատալոգի էլեկտրոնային տարբերակում, որը դրուած է համացանցում՝ www.arm-cinema.am հասցեով: Այն հարստացած է մօտ 300 ստեղծագործողների կենսագրական եւ ֆիլմագրական տուեակներով, ինչպէս նաեւ կինօգործիչների եւ շարժանկարների դրուագների լուսանկարներով: Պատրաստուած է նաեւ *Հայկական կինօ* խտապնակի թողարկումը:

Ինչպէս իրաւացիօրէն նշել է իր գնահատականի մէջ Ռուսաստանի Կինօգէտների եւ Կինօլրագրողների Միութեան նախագահ Միրոն Չեռնենկօն, գիրքն օգտակար կը լինի ոչ միայն հայ կինօգործիչն եւ ընթերցողին, այլեւ՝ արտասահմանեան մասնագէտներին: Յատկանշական է, որ սոյն միութիւնը, որի ամենամեայ մրցանակին են արժանանում ռուս կինօգէտներն, բացառութեան կարգով 2000 թուականի իր պատուոգիրը յանձնել է *Հայ կինօ. 1924-1999* կատալոգին:

ՄԻՐԱՆՈՅԸ ԳԱԼՍԵԱՆ